

梅氏尚書平七八九

侯菴經集八



與猶堂集卷之二十二

洌水 丁鏞 著

梅氏尚書平 七

咸有一德 孔壁本有文無注在十六篇中

序曰伊尹作咸有一德 殷本紀云伊尹作咸有一德

梅云戒太甲○鏞案史記咸有一德明作於湯時而偽者以湯為諡遂執躬暨湯一句降之為戒太甲之作其亂經甚矣○據史記湯既克夏還亳作誥以戒天下諸侯其大義有二其一曰為民上者咸有功德其二曰安民居者乃有建立所以與天下更始申嚴約束者也於

是伊尹作咸有一德咎單作明居各明此一大義理是
知湯誥一篇包函二義而咸有一德明居二篇各明一
義如經有傳如絲為緯不可以離而別之也茲錄湯誥
全文以為咸有一德明居之序

維三月王自至於東郊告諸侯

三月夏正之三月也此時未改正朔據史東郊毫之郊

也躬祭天因諸侯之會而告之也

羣后母不有功於民勤力廼事句予乃大罰殛女母予怨

羣后禮言之也堯典云羣后四朝母不有功者咸有德也予乃

之上疑有闕文湯誥本入於十六篇中

曰古禹臯陶久勞于外其有功乎民民乃有安東為江北為濟西為河南為淮四瀆已修萬民乃有居后稷降播農

殖百穀三公咸有功于民故后有立徐廣云立一作土

蠻夷猾夏臯陶是攘勞于外也安者安居也咸有功者

咸有德也后有立者建國而傳後也司馬貞云謂禹臯陶有功於人建立

其後

昔蚩尤與其大夫作亂百姓帝乃弗予句有狀

蚩尤不能居民天乃奪之失其國也狀者罪狀也如今

牒古功罪皆有狀司馬貞云罪大有形狀故黃帝滅之

先王言不可不勉

先王夏之先王禹若啓也司馬貞以先王為黃帝先王
嘗言諸侯之得國失國唯在於居民與不居民凡為民
牧者不可不勸勵

曰不道母之在國女母我怨徐廣云之一作政

湯曰爾等若無道

無道則不能居民

予將勿使之在國殛之滅

之此時汝母我怨

○案以上六節即湯誥真本也於是

二臣各作一篇申明二義孰云咸有一德作於太甲時

乎

復政厥辟襲洛誥

云復子

○伊尹告歸之說偽也

梅云

歸君奭歷數輔弼云其在太甲時則有若保衡左傳云

伊尹放太甲而相之卒無怨色襄二十一年太甲既崩又相
沃丁故咎單作沃丁皆言伊尹之事見史記孰云太甲之
時伊尹歸老也偽者以小人之腹度聖人謂復政之後
蹤跡不安理當告老也審如是也豈止告老而已竹書
有太

甲殺尹
之說

天難諶命靡常布在詩書不能枚舉

尹吉曰惟尹躬及湯咸有壹德

緇衣鄭云吉當為告
告古文誥字之誤也

鄭云尹告伊尹之誥也書序以為咸有一德今亡

孔壁
十六

篇至鄭
無文矣

咸皆也君臣皆有壹德不貳則無疑惑也○

鏞案咸有一德一名尹誥也

如周之
召誥

若然惟尹躬先見

于西邑夏自周有終相亦惟終今太甲上篇亦本咸有一德
文也有德安民則君臣皆有終正是承湯誥而衍其義
者也

或曰咸有一德是告成湯文毛云湯名履廟號天乙其

儼有除殘去虐曰湯湯尚未崩焉得云尹暨湯若謂湯不是謚面呼君名尤為無狀此皆不學人所言者

平曰他人不學毛氏獨學乎禮曰死謚周道也檀弓周

禮曰大喪作柩謚大師大戴禮曰周公作謚法逸周書

肇制文孰謂殷有謚也若殷有謚凡其先王皆以甲乙

丙丁名之抑何故也若據謚法謚法仁聖盛明曰舜虎

通淵源流通曰禹見書然舜尚未崩帝曰格汝舜禹尚

未崩帝曰來汝禹又何故也湯者號也大戴禮曰謚者行之跡也號者行之狀也秦始皇制曰太古有號無謚中古有號死而為謚湯者號也臣不名君豈亦不號君乎毛說妄矣

商書曰五世之廟可以觀怪萬夫之長可以生謀呂氏春秋

或曰古天子諸侯皆只五廟今曰七世之廟非偽耶毛

新唐書藝文志有尚書逸篇三卷晉徐邈註中有云七世之廟可以觀德平曰天子七世

者以有不遷之宗也周有文武殷有三宗太甲曰太宗太戊曰中宗

武丁曰高宗凡宗之者不遷故孝經曰宗祀文王於明堂宗

祀者不遷也至漢猶有此制文帝曰太宗武帝曰世宗

宗○之○者○不○遷○遷○之○者○不○宗○祭○之○以○親○者○四○廟○而○已○但○鄭○
玄○謂○夏○后○氏○都○無○祖○宗○只○以○禹○與○四○親○為○五○廟○此○則○不○
稽○之○言○也○魯○展○禽○之○言○曰○夏○后○氏○禘○黃○帝○而○祖○顓○頊○郊○
鯀○而○宗○禹○祭○法○文○荀○以○顓○頊○為○太○祖○而○禹○與○啓○不○遷○則○
下○祭○四○親○儼○亦○七○廟○何○必○為○五○廟○乎○但○七○廟○之○說○皆○起○
周○末○傳○荀○子○穀○梁○何○得○伊○尹○之○時○已○有○七○廟○之○名○此○偽○也○
孔穎達云劉歆馬融王肅雖不見古文皆以七廟為天子常禮○又按通典錄虞喜之言
曰○七○廟○不○始○於○周○伊○尹○已○言○七○世○之○廟○見吉虞喜晉明
帝○時○人○已○見○梅○書○梅○書○之○出○蓋○在○東○晉○之○初○矣○

說命上

孔壁本有序無文不入十六篇中

序曰高宗夢得說使百工營求諸野得諸傳巖作說命三

篇

殷本紀有傳說為相事不云作說命

鄭云說命殷高宗之臣傳說之所作文王世又云殷高

宗之臣傳說作書以命高宗緇衣又云高宗夢傳說求

而得之作說命三篇在尚書今學記鑄案若據書

序高宗命說曰說命若據鄭說傳說命王曰說命鄭第

亦與書恐書序為長

書曰高宗諒闇三年不言喪服四制云書曰云云王者莫不行此禮又云三年之喪君不

言

四制所引本無逸文也諸書雖引無逸其有異同宜於

此考故採錄如左

論語引書曰高宗諒陰三年不言孔安國註云諒信也陰猶默也檀

弓引書云高宗三年不言言乃謹坊記曰高宗云三

年其惟不言言乃謹鄭云高宗篇在尚書三年案亮

陰二字或作亮陰本無逸及梅或作諒陰論語或作諒闇

四制或作亮闇魯世或作梁闇伏生書或作涼陰漢書

志釋其義者或以為信默孔安國或以為楮廬鄭玄四

諒古作梁楮謂之梁闇謂廬也或以為心密杜預左詞章

之家從違不同晉山濤傳詔曰山太常尚居諒闇此從

信默之義者也謂山公非喪事不言此潘岳西征賦云天

子○寢○于○諒○闇○此○從○楮○廬○之○義○者○也○余○謂○陰○与○瘖○喑○本○相○
通○字○諒○陰○者○默○而○不○言○也○總○之○為○三○年○居○密○之○恆○禮○孔○
子○之○言○本○自○赫○赫○語○見○論○今○乃○云○既○免○密○其○惟○不○言○可○乎○
偽○者○欲○以○不○言○之○故○夢○得○聖○人○又○恐○恆○禮○之○不○言○不○足○
以○神○其○事○故○必○加○既○免○密○一○句○雖○然○聖○人○所○為○不○出○常○
理○既○默○三○年○既○免○密○而○又○默○天○下○有○是○王○乎○

昔○殷○武○丁○能○聳○其○德○至○於○神○明○以○入○於○河○自○河○徂○亳○於○是○
乎○三○年○默○以○思○道○卿○士○患○之○曰○王○言○以○出○令○也○若○不○言○是○
無○所○稟○令○也○武○丁○於○是○作○書○曰○以○余○正○四○方○余○恐○德○之○不○
類○茲○故○不○言○如○是○而○又○使○以○象○夢○求○四○方○之○賢○聖○得○傳○說○

以來升以為公而使朝夕規諫曰若金用女作礪若津水
用女作舟若天旱用女作霖雨啓乃心沃朕心若藥不瞑
眩厥疾不瘳若跣不視地厥足用傷楚語靈王虐白公子
若武丁之神明也猶自謂未久故三年默以息道既得道
猶不敢專制使以象荀求聖人既得以為輔又恐其荒失
遺忘故使朝夕規諫箴諫曰
必交修余無余棄也

韋昭云作書以書解卿士也賈唐曰書說命也昭曰非

也其時未得傳說

殷本紀云武丁即位怠復殷而未得
其佐三年不言政事決定於冢宰以

觀國風武丁夜夢得聖人名曰說以夢所見視羣臣百吏
皆非也廼使百工營求之野得說於傅巖中是時說為
胥靡築於傅巖見於武丁武丁曰是也得而與之語果
聖人舉以為相殷國大治牧遂以傅巖姓之號曰傅說
鑄案以余正四方以下三句即當時詔書蓋以不言

之故作書代言韋昭辨之既明今以是為說命正文可
乎使以象旁求者白公申說之言也必交修余無余棄
者白公演釋之義也今皆錄之為經文此與仲虺之誥
竊取隨武子中行獻子之語錄之為經者同一手段

錢甲云立語相之非考言明試之法況君奭篇數商賢

臣不及說此書偽也

李堪云在夫罪大惡極詬聖言不記不知說乃聖人

平曰

甲說非也孟子曰傳說舉於版築之間離騷經云說操

築於傳巖武丁用而不疑賈誼鵬鳥賦云傳說胥靡乃

相武丁

莊子云傳說得

班固答賓戲云殷說夢發於傳

巖庾信傳說贊云躬勞版築夏侯湛賦云傳說操築而

悟主若得說之後試以卑官轉至公相自古賢臣拔跡
草莽者甚多至於傳說輒言其胥靡版築之時不亦無
義乎傳說之事真也說命之書偽也事真無補於書偽
書偽不害於事真甲与堪各主一偏其失均矣

鄭云得諸傳巖高宗因以傳命說為氏

梅云傳氏之巖在虞虢之界

鑄案鄭說本諸史記

以其地為姓

余謂師傳者三公也高

宗立說為傳遂稱傳說後人遂名版築之地曰傳巖也

尸子云傳巖在北海之洲古入每以齊東為北海之濱

孟子引書曰若藥不瞑眩厥疾不瘳

趙岐云藥攻人疾先使潰亂

木從繩則直竊荀子

荀云木受繩則直金就礪則利

說命中

建邦設都襲周禮六官之首詞

兌命曰惟口起羞惟甲冑起兵惟衣裳在笥惟干戈省厥

躬緇衣

鄭云兌當為說謂傳說也字之誤也羞猶辱也衣裳朝

祭之服也惟口起辱當慎言語也惟甲冑起兵當慎軍

旅之事也梅云兵不可任非其才惟衣裳在笥當服以為禮也梅云

服不可加惟干戈省厥躬當恕己不尚害人也

啓寵納侮定元年士伯曰啓寵納侮其此之謂矣

有備無患襄十一年魏絳引書曰居安思危思則有備有備無患

兌命曰爵無及惡德民立而正事純而祭祀是謂不敬事煩則亂事神則難

緇衣

鄭云純或為煩

又云惡德無恆之德純猶皆也言君祭祀賜諸臣爵母与惡德之人也民將立

以為正言故傲之疾事皆如是而以祭祀鬼神是不敬鬼神也惡德之人使事煩事煩則亂使事鬼神又難以得

福也梅云高宗之祀特豐數近廟故說戒之鏞案此

節必有闕文鄭註亦是強解也書有闕文夫子所貴今

也刪拔惟意改換隨手遂無一句之不通此朱子所以

疑之也

非知之艱行之惟艱襲左傳

昭十年鄭子皮曰非知之實難將在行之

說命下

甘盤出君奭在武丁時則趣于荒野襲無逸其在高宗時舊勞于

外爰暨入宅于河自河徂亳還用白公語國語文見上若作

酒醴爾惟麴釀襲禮運禮之有於人猶若作和羹爾惟鹽

梅襲晏嬰語左傳昭二十一年晏嬰云和如羹焉水火鹽

爾交修予罔予棄又用白公語國語文見上

事不師古以克永世匪說攸聞竊淳于越語秦始皇本紀淳于越

曰事不師古而能

兌命曰敬孫務時敏厥修乃來學記

鄭云敬孫敬道孫業也敏疾也學者務及時而疾其所

修之業乃來

兌命曰學學半

學記云教學相長也兌命曰學學半

鄭云言學人乃益己之學半

陸氏釋文云學上胡孝反

○鏞案學學

半兩學字皆當如字讀下學字通指學問之全體也上

學字專指受學之事而言也下學字猶大學之道之學

也上學字猶學而時習之學也蓋謂受學之事雖畢於

道學之全體僅為半工必又加以教人之工然後方得

成全也鄭玄學記之註讀學如教本是謬義而偽者信

如金石直改為數不亦陋乎古文言半皆據前一半而

言如所謂半塗而廢是也若如書說則是傳說專舉後

一半而言之也不齟齬乎

兌命曰念終始典于學

學記。又見文王世子

鄭云典經也言學之不舍業也

又文王世子注云典常也念事之終始常於學

學禮義之府

王曰四海之內咸仰朕德時乃風与大禹謨帝曰俾予

從欲而治四方風動惟乃之休同出一手

彼云萬世永賴時乃功皆

是君臣相贊之本法

昔先正保衡以下襲孟子

伊尹曰吾宣若使是君為堯舜之君哉匹夫匹婦有

不桀堯舜之澤者若己推而納之溝中。北宮黝思以一毫挫於人若撻之於市朝

泰誓序

鄭玄本有序有文与今梅氏本不同

序曰十一年十二月戊午師畢渡盟津諸侯咸會

曰孽孽無怠

武王乃作太誓周本紀

序曰惟十有一年武王伐紂大誓八百諸侯漢書律歷志

序曰惟十有一年武王伐殷一月戊午梅云十三年正月二十八日

師渡孟津作泰誓三篇梅氏本

舊本武成篇序曰一月戊午師度于孟津漢書律歷志班

固曰武王伐紂克殷十三年也故書序曰武王克殷以

王訪于箕子鏞案梅氏之序上一半用舊序志所

載下一半用武成舊序亦載律其經文首句曰惟十有

三年春者用班固洪範之說序一月戊午之下註曰

經大矣武王九年觀兵十一年克殷此事載於周本紀

載於魯世家載於齊世家與太誓舊序相合無可疑者
乃班固忽執洪範之序謬謂武王克殷在十三年其迂
曲甚矣武王以箕子歸在十一年訪于箕子在十三年
曲偽者篤信班固變亂舊章破裂纏糾至於此極豈不
解惜哉左傳昭四年申叔舉曰成湯有景亳之命周武有孟津之誓

書大傳云文王受命一年斷虞芮之質六年伐崇七年
而崩○周本紀曰西伯蓋受命之年稱王而斷虞芮之

訟後十年而崩武王即位九年觀兵于盟津是時諸侯不期而會

盟津者八百乃還師居二年東伐紂十一年十二月戊午師

渡盟津○班固云文王受命九年而崩再期大祥而伐

紂故書序曰惟十有一年武會還歸二年乃遂伐紂克

殷引洪範自文王受命至此十三年文王十五而生武王

六矣故文王世子曰文王九十七而終武王九十三而終皇甫謐云文王卽位四

十二年歲在鵠火更爲受命之元年始稱王矣○梅傳

云受命九年而文王卒武王服畢觀兵孟津十三年正

月更與諸侯伐紂○孔穎達云知此十一年非武王卽

位之年者大戴禮云文王十五而生武王武王十四歲文

王世子云武王九十三而終文王崩時武王已八十三

而崩適滿十年不得以十三年伐紂○易緯稱文王受命改正朔布王號於天下鄭玄依而用之非也○

朱子曰秦誓序十有一年武王伐殷經云十有三年春

大會于孟津必差誤說者乃以十一年為觀兵尤無義

理

舊有人引洪範十有三祀王訪于箕子則十有一年之誤可知

蔡沈云十三年者

武王即位之十三年也

歐陽修云西伯即位已改元中

即位改元而反不改元乃上冒先君之元年稱十一年及其滅商而得天下其事大於聽訟遠矣又不改元

由是言之謂文王受命改元武王冒文王之元年者皆妄也

○毛奇齡云武王不得

有十三年也

紂在文王時罪惡已稔文王伐密須伐黎伐崇殷喪炭炭安得復有十三年虛度之

理後儒讀書拘泥謂文王必不當稱王

文王世子武王呼文王為君王

若改元則諸侯原有之

故戰國魏惠王秦惠文王俱有後元年

○鏞案此

大訟也大訟折之以古經其在無逸曰文王受命惟中

身厥享國五十年

中身者五十也文王四十七承王季為君

何謂文王受命

九年而崩于黃龍玄龜白魚赤雀負圖銜書之說妖邪

詭誕不可稱述義見正乃以是為文王受命之符可乎大

傳曰牧之野武王之大事也既事而退追王太王王季

文王中庸云周追王之文若是著顯乃敢曰殷命未絕

周已僭王乎天無二日土無二王敢以是厚誣我文王

乎毛所云罪大惡極正謂此類無禮之言固不足道設

令文王真有此事以此年紀冒之武王又何法也湯受

命為王十三年而崩不以是年冒之外丙禹受命為王

八年而崩不以是年冒之子啓夫禹湯受命赫赫皇皇

比之文王之僭稱王不翅天淵而其年紀用於當世而

止。奚獨文王之年可寶而不忍捨乎。魏惠王有後元年。

不以是年冒之於襄王。說魏惠王後元年年之秦惠文王有

後元年。不以是年冒之於王。蕩奚獨文王之年冒之。武

王乎。班固此說乃載籍以來所未有者。特以劉歆之為

三統曆拘於大戴禮文王世子二記之文。必欲短武之

年而雙從二記。故物為此牽連迂曲之論。而班固從以

錄之也。大戴禮其可信乎。古者婚禮女少於男。故易曰

老婦士夫亦可醜也。禮三十而有室。二十而嫁。以此推

之。太姒之少於文王可知。大雅疏云太姒少誠使文王

十三生伯邑考。十五生武王。則太姒甫踰十歲已產二

子乎醫家以女年十四為天癸詩曰文王初載天作之

合文王嘉止大邦有子文定厥祥親迎于渭先儒謂文

王聞大似之賢求以為妃若如戴說十二歲孺子安得

自求妃匹斯皆秦漢俗儒之說不足據也然且武王之

壽未九十也人之壽天有命在天何得損父益子惟意

所欲文王敬天無豫必無是言大誥曰天降割于我家

不少延不少延者謂武王不享年也禮曰人生十年曰

幼武王之崩成王尚幼則武王不享年也禮疏云成王十三歲立

若如舊說則武王周本紀曰武王克殷而歸告于周公曰

天不饗殷自發未生於今六十年麋鹿在牧是武王克

殷之歲猶未滿六十也故竹書紀年竟以武王五十四
而崩安知非信文乎傳記諸文非一人之筆彼此牽合
未有不七藤而八葛者非通儒之所屑爲也書序云十
有一年者武王卽位之十有一年其云冒文王之年者
妄也○十三年之說亦出於班固而贗經依之此又偽
跡之彰彰者○一月戊午者建子月之戊午也周本紀
之云十二月戊午者從殷正也殷之建子月武成舊序
之云一月戊午者從周正也周之建子月不云正月而謂
之一月者師渡之時未改正朔故史官追序雖用周正
而不敢云正月其筆法嚴謹有敢亂之者乎

泰誓上

惟天地萬物父母惟人萬物之靈襲孝經昔者明王事

明事母孝故事地察又○說卦云乾父坤母者八卦之

物象非即以地為母也父天母地之說古經無文朱子

之疑孝經正為此等也春秋感精符云人主父天母地

黃中難西銘乾父坤母朱子斥其他說即大君宗不斥

乾坤之義說卦物象遠取則為馬為牛近取則為首為

生之理教以為父母之象乾為天為父

亶聰明作元后襲中庸云聰明智足以有臨

罪人以族官人以世改孟子孟子云昔者文王之治岐

○官人以世先王之法也封建之世五等之爵無不世襲仕者世祿推是義也故滕之世祿孟子美之魯衛晉鄭之世卿春秋不譏唯齊秦尚功任官惟賢雖其法互有長短世官之法不自紂始以此罪紂紂不冤乎

宮室臺榭陂池侈服用殷本紀義見正焚炙忠良出列女

傳即炮烙之刑剗剔孕婦出皇甫謐帝王世紀謐云紂剗比干妻以視其

胎○案鄒陽獄中上書曰封比干之後修孕婦之墓謐

紀蓋出於此

梅云觀政謂十一年自孟津還時蔡云先儒以觀政為觀兵誤矣○平

曰梅氏自經自註不容有誤作經之時原以觀兵為觀

政故下句得以不悛舊習恬然平居爲紂罪案也觀兵
之義僞者知之乎周穆王自征不享且觀之兵見於周
語觀兵者示威也左傳楚子伐陸渾之戎遂至于雒觀
兵于周疆宣三又楚子伐吳至于汝清觀兵於坻箕之
山昭五又諸侯之師觀兵于鄭南門襄十韋昭杜預之
等皆訓之爲示威觀者示也易注又見周祭公謀父曰先王
耀德不觀兵諫穆以此言之周本紀之云觀兵盟津亦
是史家追叙之筆武王當時不以觀兵爲名也然且觀
兵者人觀我也觀政者我觀人也改兵爲政其有義乎

犧牲粢盛既于山盜襲微子彼云攘竊神祇之犧牲曰吾有命襲

西伯戡黎我生不有命在天

書曰天降下民作之君作之師惟曰其助上帝寵之四方

有罪無罪惟我在天下曷敢有越厥志孟子曰書曰云云一人衡行於天下

武王耻之此武王之勇也

寵之四方謂天寵此君師之人王者受天眷今改之曰寵綏

四方梅傳似以寵字屬上句綏四方為下句則受天寵者民也非君也有

罪無罪惟我在者猶言萬方有罪在予一人古文湯今誓文

拔惟我在一句則又無身任天下之意

同力度德同德度義用莚弘語文見下又左傳襄三十二年穆叔云年鈞擇賢

義鈞以下。又昭二十六年王
子朝曰年鈞以德德鈞以下

泰誓曰紂有臣億萬人亦有億萬心武王有臣三千而一

心管子法禁篇

管子云武王者傳誦之文也本應作予有臣

商罪貫盈竊中行桓子語

左傳宣六年赤狄伐晉晉侯欲伐之中行桓子曰使疾其

民以盈其貫將可殪也周書曰殪戎殷

受命文考類于上帝安于冢土襲王制

王制云天子將出類乎上帝安

乎社造乎禰

孔穎達云受命文考即造乎禰也

○鏞案文

王伐崇已行類祭故皇矣詩曰是類是禡

太誓曰民之所欲天必從之

周語單襄公曰云云又鄭語史伯引此句。又左傳襄

三十一年穆叔引此句○又昭元年鄭子羽引此句

韋昭曰今太誓無此言其散亡乎○杜預曰今太誓無此文故諸儒疑之○鏞案韋杜所謂今太誓即河內太誓也○又按時哉弗可失武王必無此言此利天下之言也○吳公子光曰此時不可失○也使專諸弑王僚

泰誓中

惟日不足襲天保詩降爾遐福惟日不足○播棄犂老竊伍子胥

語吳語申胥釋劍而對曰今王播棄犂老而疎童焉比謀

謂已有天命再用西伯戡黎文見○厥鑒不遠在彼夏

王竊蕩詩殷鑒不遠在夏后之世

太誓曰朕夢協于朕卜襲于休祥戎商必克周語單襄公曰吾聞之太

誓故曰云云又左傳昭七年史朝曰筮襲于夢武王所用也

齊世家云武王伐紂卜龜兆不吉羣公盡懼唯太公彊

之六韜云卜戰龜焦筮又不吉太公曰枯骨朽著不踰人矣○孔疏云彼言不吉者

六韜後人所作

大誓曰紂有億兆夷人亦有離德余有亂臣十人同心同

德左傳昭二十四年襄弘曰同德度義大誓曰云云又德成二年君子曰太誓所謂商兆民離周十人同者

杜云紂衆億兆兼有四夷梅平人也今大誓無此語○

鏞案襄弘將引大誓先云同德度義同德度義者襄弘

之言也取之為經可乎上篇文偽者詞竭偶有觸目輒皆

收之

武王曰予有亂臣十人

論語泰伯篇。馬融云治官者十人謂周公旦召公奭畢公榮

公太顛閎夭散宜生南宮适其一人謂文母

○左傳叔孫穆子曰武王有亂

十人襄二十八年

周有大賚善人是富雖有周親不如仁人百姓有過在予

一人論語堯曰篇

孔安國曰親而不賢不忠則誅之管蔡是也仁人謂箕

子微子來則用之

論語

○孔安國曰周至也言紂至親

雖多不如周家之少仁人

太誓

○鏞案既是孔安國之

傳則何以与孔安國之註若胡越之異音也

邢昺云孔註異者欲

兩通其義。孔安國既見此真太誓其註論語時何不以此節為太誓篇文也。余謂孔安國亦不見孔安國之傳者非過語也。○又按大賚之句分插武成亂經甚矣。

漢書元帝紀詔曰傳不云乎百姓有過在予一人。師古云論

語載殷湯伐桀告天下之文○案上有周字師古之說非也。

泰誓曰天視自我民視天聽自我民聽。孟子萬章篇

趙岐云泰誓尚書篇名。○鑄案趙岐不云逸文當時河

內太誓或有此節。

今朕必往襲湯誓

太誓曰我武惟揚侵于之疆則取于殘殺伐用張于湯有

光 孟子滕文公篇

趙岐云太誓古尚書百二十篇之時泰誓也今之泰誓
後得以充學故不与古太誓同諸傳記引泰誓皆古泰
誓也○鑪案太誓本太公誓師之文義見下故其詞如此
今云武王自誓而自言于湯有光有是禮乎

武王之伐殷也革車三百兩虎賁三千人王曰無畏寧爾
也非敵百姓也若崩厥角稽首孟子盡心篇

趙岐云若崩厥角額角犀厥地也稽首拜命欲令武王
來征己國○鑪案革車虎賁牧誓之序也以此推之王
曰以下或是牧誓之逸文若湯誓之逸文○又按若崩厥角

者萬民聽命一時稽首其額角隕地勢若崩頽然也此
四字形容殷民如旱得雨之情今改之曰百姓懍懍若
崩厥角則項羽入秦之氣象豈天吏除殘之義乎以梅蔡
民畏紂之虐寧執非敵又何說也偽者竊取孟子佯作
憂懼不安殘缺之色以欺後世何其詐也

立定厥功惟克永世竊取河內太誓文彼云立功立事

書平當河內偽者若見梅本當以梅本出之既見梅

傳引之本又作河本必無是理梅之竊河不彰彰乎竊偽文以
作偽文將欲何為

泰誓下

王乃大巡襲國語周語號文公論籍田之法云命旅曰

則大○梅云師出以律三申令之三孔云孫子兵法○案

兵法三令五申者謂擊刺分合之期坐作進退之節也

故牧誓云比爾于立爾矛費誓云敵乃于鍛乃戈以至

六步七步六伐七伐皆軍令之所宜申申者令也行軍

克敵之術一言不及惟臚列紂罪細大弗遺分排三日

重言複言豈兵家所謂三令五申者乎太誓本止一篇

凡言三篇者皆偽也

狎侮五常自絕于天襲周本紀所載太誓彼云自絕于

偽者又竊偽文結怨于民出范曄傳彼

云戰敗則結怨于百姓

斡朝涉之脛竊取宋康王事冒之於紂

梅云冬月見朝涉水者謂其脛

耐寒斬而視之。孔疏云疑其骨髓有異斬而視之其事或當有所出

○劉向新序曰宋

康王剖偃者之背鏃朝涉之脛國人大駭齊聞而伐之

水經注云老人渡水而沈吟難漁紂問其故左右曰老者髓不實故畏寒也紂乃斡脛而視之

○鏞案

宋康王者宋之末主偃也孟子曰一辭居宋世家云偃

射血囊謂之射天淫於酒色天下謂之桀宋齊湣王今

以宋偃之事冒之商受可乎孟子曰紂之惡不如是之

甚天下之惡皆歸之於是乎驗矣水經注出於梅書之後

以說婦人恭行天罰皆周本紀所載民間太誓之文見文

下。改改二字亦出彼太誓

撫我則后虐我則讎竊汲豕周書汲書云德則民戴否則民讎

太誓曰獨夫受荀子

孟子曰聞誅一夫紂益亦用太誓文也

書云樹德莫如滋除害莫如盡戰國策秦客卿謂穰侯曰詩曰云云姚氏本作書云

如滋又左傳伍員曰臣聞之樹德莫如去疾莫如盡哀元年

增以益之曰滋殫以竭之曰盡兩語均正真是至理之

言今改之曰樹德務滋除惡務本則兩語旨義欹傾不

平此贗物也滋與本不能為對

太誓曰文王若日若月乍照光于四方于西土墨子兼愛篇

墨子所引比梅氏本文體詰屈

太誓曰予克紂非予武惟朕文考無罪紂克予非朕文考

有罪惟予小子無良

坊記子云善則稱親過則稱

鄭云克勝也非予武非我武功也文考文王也無罪則

言有德也無良無功善也此武王誓衆以伐紂之辭今

大誓無此章則其篇散亡

與猶堂集卷之二十三

洌水 丁鏞 著

梅氏尚書平八

河內泰誓

史記不言三篇。鄭玄本有三篇。今公

馬融書序曰泰誓後得。案其文似若淺露。又云八百諸
侯不召自來。不期同時不謀同辭。及火復於上。至於王
屋。流為鵠。五至以穀俱來。舉火神怪得無在子所不語
中乎。又春秋引泰誓曰民之所欲天必從之。國語引泰
誓曰朕夢協朕卜。孟子引泰誓曰我武惟揚。孫卿引泰
誓曰獨夫受禮記引泰誓曰予克受非予武。今文泰誓

皆無此語。吾見書傳多矣。所引秦誓而不在秦誓者甚多。弗復悉記。略舉五事以明之。亦可知矣。○孔穎達曰：尚書遭秦而亡。漢初不知篇數。武帝時孔臧與安國書云：尚書二十八篇。取象二十八宿。上乙則漢初無秦誓矣。後得偽秦誓三篇。諸儒多疑之。節馬融惟言後得不。知何時得之。漢書婁敬說高祖云：武王伐紂不期而會盟津上者八百諸侯。偽秦誓有此文。不知其本出武帝時董仲舒對策云：書曰白魚入舟，是武帝何書也。時已得之矣。梁王兼而存之言本有兩秦誓。古文秦誓伐紂時事別錄之以為周書。此非辭也。彼偽書三篇上篇觀兵時事中下一篇亦伐紂時事。非盡觀兵時事也。且觀復何誓之有。○鏞案婁敬之說蓋古來相傳之語非太

誓也。造偽者依據此等野語以作偽誓。今史記所載是也。雖是偽本漢魏之際久以經行今錄其文以備參考。

史曰武王即位九年東伐至盟津不期而會者八百諸侯。

武王還師與太公太誓。齊世家

太誓之義談者不同。或云大道以誓衆。王肅或云推義。

作名以見大會。注疏或云取泰卦義。晁氏或云與大誥。

同。王應麟余謂太誓者太公之誓也。伊所訓曰伊訓召所。

誥曰召誥觀於齊世家可驗也。

武王九年上祭于畢。馬融云畢文東觀兵至于盟津爲文。

王木主載以車中軍自稱太子發。言奉文王以乃告司馬。

司徒司空諸節馬云諸受符節有司也齊栗信哉予無知以先祖有

德臣小子受先功徐廣曰一云予小畢立賞罰以定其功

遂興師師尚父鄭云師尚父文王於樞谿所得聖人呂尚立以為太師號曰尚父尊之見詩大明疏

左杖黃鉞右把白旄以號曰鄭云云號今之軍法蒼咒蒼

咒馬云蒼咒主獸九頭今誓衆令急濟故言蒼咒以懼之總爾衆庶與

爾舟楫後至者斬武王渡河中流白魚躍入王舟中武王

俯取以祭馬云魚者介鱗之物兵象也白者殷家之正色言殷之兵象與周之象也既渡有火

自上復于下至于王屋流為鳥其色赤其聲魄云馬云王屋王所

居屋流行也魄然安定意也鄭云書說云鳥有孝名武王卒父大業故鳥瑞臻赤者周之正色也司馬貞云按

也今文太誓流為鵬鵬勢鳥遂至盟津諸侯不期而會者八百

諸侯諸侯皆曰紂可伐也武王曰女未知天命未可也乃

還師

已上取周本紀齊世家釁拊為文

周頌思文疏引太誓曰惟四月太子發上祭於畢下至

於孟津之上

注云孟津地名

又曰太子發升舟中流白魚入於

王舟王跪取出涖以燎之

注云白魚入舟天之瑞也魚無手足象紂無助白者殷正

也天意若曰以殷予武王當待無助今尚仁人在位末可伐也得白魚之瑞即變稱王應天命定號也涖涯也

王出於岸上燔祭禮也又曰至於五日有火自上復於下至於

王屋流之為鴈其色赤其聲魄五至以穀俱來

注云五日後

日數王屋所在之舍上流猶變也鴈當為鴉鴉鳥也燎後五日而有火為鳥天報武王以此瑞書說曰鳥有孝

名武王辛父業故鳥瑞臻赤周之正穀記戶稷之德

伏生書傳云八百諸侯俱至孟津白魚入舟○漢書董

仲舒傳云書曰白魚入于王舟有火復于王屋流為鳥

師古云辭今文此蓋受命之符也周公曰復哉復哉師古亦

見今皆積善系德之效也○終軍傳云昔武王中流未

濟白魚入於王舟俯取以燎羣公咸曰休哉又劉輔傳

周公承順天地以饗魚鳥之瑞○鏞案鄭云周禮註肆

然猶君臣祗懼動色相戒○鏞案鄭云周禮註肆

注引尚書大傳曰王升舟入水賈疏云謂武王於文王

於孟津鼓鍾亞亞王觀臺亞氣祥將舟亞社舟宗廟

亞也遷主此亦偽太誓之說也

王逸楚詞註云天問武王始至孟津八百諸侯不期而

到皆曰紂可伐也白魚入于王舟羣臣咸曰休哉周公

曰雖休勿休鄺道元水經注云河南有鉤陳壘世傳武王伐紂八百諸侯所會處尚書所謂不期

同時也河水至此有盟津之目論衡曰武王伐紂升舟陽侯波起疾風逆流武王操黃鉞而麾之風波畢除中

盟尚書所謂不謀同辭也故曰孟津亦曰盟津

周禮大祝疏曰今文太誓得火鳥之瑞使上附以周公

書報誥於王王動色變鄭注引書曰○又引太誓云周

公曰都懋哉予聞古先哲王之格言以下太子發拜手

稽首孔云君于

毛詩大明疏引太誓曰師乃鼓譟前歌後舞格於上天

下地咸曰孜孜無急又文王世子疏以師樂為○鄭玄

周禮註大司馬注引書曰前師乃鼓鼓譟王逸天問注云武

赴敵爭先前歌後舞鳧藻謹呼

劉向說苑引太誓曰附下而罔上者死附上而罔下者

刑与同國政而無益于民者退在上位而不能進賢者

逐臣術篇○又元朔元年有司奏議舉孝廉亦引此五句唯數字不同

漢書郊社志衡譚奏議引太誓曰正稽古立功立事可

以永年又刑法志引書曰立功立事可以永年○平當傳引

書曰正稽古建功立事可師古云今以永年文太誓文

○毛詩鴻鴈箋引書曰天將立父母民之有政有居疏云

誓今太

梅傳云武王三年服畢觀兵孟津孔疏云案周書云文王受命九年惟暮春

在鎬召太子發作文傳其時猶在但未知崩月就如暮春即崩武王服喪至十一年三月次祥至四月觀兵故

今文太誓亦云○鏞案召太子作文傳文王九年之事

也東觀兵至孟津武王九年之事也仲達堅信緯書削

去武王九年乃云大祥踰月觀兵孟津不亦謬乎觀兵

者武王之九年也克殷者武王之十一年也其稱十三

年會于孟津者班氏之謬梅氏之贗也○總之九年觀

兵之說原是白撰其說始起於偽太誓即民間司馬遷

以存疑之義載於史記其實孟浪之言也今考其文都

不合理夫以諸侯伐天子事非容易一舉而成猶或危

之。八。百。既。會。何。為。罷。歸。其。不。中。理。一。也。諸。侯。會。同。動。有。
期。日。軍。旅。申。約。後。至。者。斬。不。期。而。會。何。至。八。百。陳。郊。之。
夜。猶。待。諸。侯。見樂況。於。孟。津。乎。其。不。中。理。二。也。師。行。載。
主。雖。有。古。禮。有。載。遷。主。無。載。新。主。義見曾載。文。王。木。主。
有。是。法。乎。其。不。中。理。三。也。諸。侯。在。棗。始。則。稱。子。踰。年。稱。
君。禮見春秋天子。未。除。喪。曰。予。小。子。既。除。喪。曰。予。一。人。禮曲
文。宣。有。卽。位。九。年。之。君。自。稱。曰。太。子。發。者。其。不。中。理。四。
也。至。於。白。魚。火。鳥。之。說。妖。邪。罔。誕。不。可。稱。述。此。豈。通。儒。
之。所。肯。信。哉。祭。公。謀。父。曰。先。王。耀。德。不。觀。兵。凡。言。武。王。
觀。兵。孟。津。者。皆。偽。也。○。又。按。偽。太。誓。之。淺。陋。無。理。如。此。

而伏生載之於書傳文見董仲舒載之於對策孔安國作
為註說為李顯所引上辛劉向引義如經載之於說苑
文見班固雜以緯書以撰歷志馬融鄭玄奉之為經作
為詁訓天下窮經之士心誹腹訕三四百年梅氏之書
乃出則如渴得飲一詞尊信蓋以梅氏太誓削去符命
之邪說收入先古之信文其視河內之本不翅天淵有
足以伏人心者於是二十五篇乘勝長驅遂使六藝之
家避虎而逢狼誅卓而寵操泯泯千載永為不刊之書
苟求其由皆此偽太誓之故也豈不惜哉

史曰十一年十二月戊午師畢渡盟津諸侯咸會曰孳孳

無急武王乃作太誓告于衆庶

周本紀云居二年間紂昏亂暴虐滋甚殺王子比干

四箕子太師疵少師彊抱其樂器而奔周於是武王徧告諸侯曰殷有重罪不可以不畢伐乃遵文王遂率戎車三百乘虎賁三千人甲士四萬五千人以東伐紂十一年云云

前所錄九年觀兵之誓也此以下十一年再伐之誓也

事既合理文亦雅馴或是古文之殘缺者歟

今殷王紂乃用其婦人之言自絕于天毀壞其三正

馬云動逆

天地人也離遏其王父母弟鄭云王父母兄弟祖父母之族

乃斷

棄其先祖之樂乃為淫聲用變亂正聲怡說婦人故今予

發維共行天罰鄭云夫子勉哉夫子

夫子稱不可再不可三

漢書禮樂志云書序殷紂斷棄先祖之樂廼作淫聲用

變亂正聲以說婦人樂官師瞽挹其樂器而奔散或適

諸侯或入河海婦人谷永傳引書曰廼用○鏞案此數條

雖亦偽書其文無病也○總之齊東野人原有誣罔之說

故伯夷傳云父死不葬爰及于戈又云載天問云武發

殺殷何所悵載尸集戰何所急王逸云尸主也言武王伐紂載文王木主稱太

發斯皆偽太誓之所本也

毛云漢書引太誓云誣神者殃及三世○平曰漢書郊

祀志引此云易大傳太誓未嘗云

武成孔壁本有文無注入於十六篇中

序曰一月戊午師度于孟津漢書律歷志

序曰武王伐殷往伐歸獸識其政事作武成

梅氏本○周本紀云乃罷

政事作武成

武成之序其上一段在律曆志其下一段在周本紀合

而觀之猶鼓中間一段乃偽者截其上段移作太誓之

序自作八字即武王伐殷往以冒下段之頭其瘡殘之

痕分明可見夫以班固據劉歆之曆統以錄序文司馬

遷見孔安國之真本以載篇名兩人皆脉絡相貫不容

有誤豈可隨手改換如此○律曆志所載經文雖皆殘

缺此信文也先錄之

武成曰惟一月壬辰旁死霸今作魄若翌日癸巳武王乃朝

步自周于征伐紂律歷志○孟康云荀死霸二日也○案

班固曰死霸朔也生霸望也師初發以戊子故戊午度

于孟津孟津去周九百里師行三十里故二十七日而

度序云一月戊午度孟津○鏞案一月者建子月也已見上

武成曰粵若來三月既死霸粵五日甲子咸劉商王紂歷

志○三月殷之三月也在周為二月班固云閏二月庚寅朔三月二日庚申四月己丑朔

師古曰劉殺也今文尚書之辭○班固曰至庚申二月

朔日也四日癸亥至牧廐夜陳甲子昧爽而合矣故外

傳曰王以二月癸亥夜陳周語伶州鳩云王以二月

鏞案梅氏本無此節非偽而何

武成曰惟四月既旬生霸粵六日庚戌武王燎于周廟翌

日辛亥祀于天位粵五日乙卯乃以庶國祀馘于周廟

志○班固云是月甲辰望乙巳旬生霸

師古曰亦今文尚書也○鏞案今文尚書者伏生之書也幾見伏生之書有武成篇乎大夢矣

孔穎達曰律歷志引武成者焚書之後有人偽爲之漢

世謂之逸書其後又亡其篇鄭云云武成逸書建武之際亡謂佚偽武成也○

朱子曰宗廟內事日用丁巳漢志乃無丁未而以庚戌

燎于周廟則爲剛日非所當用而燎又非宗廟之禮且以

翌日辛亥祀于天位越五日乙卯又祀馘于周廟則六

日之間三舉大祭禮數而煩近於不敬抑亦經文所無

有不知劉歆何所据也按張霸偽書有武成篇劉歆誤以為古文○鏞案律

歷志非班固所自作乃劉歆三統曆劉歆父子親校孔

安國所上孔壁真本上甲家傳正學志壹精專即孔壁

之書一點一畫或有差誤安國容或不知劉歆父子必

辨棟森爽何得以一字贗經或載於三統曆之中乎伏本

可訾漆書可誣鄭本可罵而劉曆所載之經凡尊古文

之學者斷不敢非毀一字乃仲達指劉曆中殘章缺句

謂之偽書天下寧有此事劉氏之於孔氏純誠血忱闡

發真經寶之如天球弘壁重之如九鼎大呂以至陷辱

身名。暨不知悔其兩家敦好。宜至百世。乃仲達奉贗爲
祖。指眞爲賊。至詆劉氏家傳之學。而莫之悟焉。豈非惑
之甚者。武成一篇。本入於十六篇之中。上丙雖無師說
經。則儼然劉歆苦心弩眼。採取殘章。鼓句以作三統之
曆。建武之際。其書雖亡。三統之曆。歸然獨存。故班固得取
以爲志。安得以建武亡書之事。遂誣此曆志採錄之句。
乎。劉曆班志。其自作義理。點綴爲文者。固多驕駁。若文
王之年。冒之武王。洪範之年。引爲克殷之類。是也。見秦
而其殘章鼓句。必無一誤。非仲達所得誣也。○又按日用
丁巳者。紀己音少牢之文也。曲禮外事用剛日。內事用柔

者釋祭也三虞者
吉祭也在禮必用
剛日是內事未必

日故郊特牲云社日用甲少牢禮云祭日用丁考之春
秋則己卯烝丁丑烝乙亥嘗丁卯禘辛卯禘皆用柔日
宗廟之祭必用柔日固有文也雖然稽之經傳其不必
然者亦多郊特牲曰郊日用辛即禮人召誥郊用丁己
左傳雩祭用上辛季辛昭月令釋米用丁日是外事
不必用剛日也告朔有少牢之薦藻見玉夏至有祖廟之
祭雜記孟獻朔日至日未必皆丁己也天子巡而告廟
見王諸侯至則告廟左傳桓凡告廟之禮親告則用牲
制史告則用幣子思其出其至未必皆丁己也復胙用柔
日也庚戌之燎于廟又何必疑之且先儒或以外事為
治兵內事為祭祀或

於祭祀之中蓋禴祠烝嘗四時之正祭也必用丁巳至
於分內外之祭告朔之祭告事之祭或趁天時或係人事
於日至之祭惟其宜也大命既集武功是告燎于周廟者
不取剛日惟其宜也大命既集武功是告燎于周廟者
告事之祭也正祭曰烝嘗告事曰燎如正祭曰郊告事
曰柴又何必疑庚而信丁哉○又按燎者外神之禮也
大宗伯以禋燎祀司中司命觀師雨師封禪書曰薦五
時加一牛以燎杜鄴所謂祭禋有常者此之謂也見郊
志
雖然燎于廟者周人之禮也燎則有煙煙者禋也鄭玄
之言曰禋之言煙也周人尚臭煙氣之臭聞者周禮故
洛誥曰秬鬯二卣禋于文王武王又曰王賓殺禋王入

太室裸雖國語有精意以享之訓梅傳有明潔致敬之
解皆非本旨禋也者煙也故郊特牲云至敬貴臭又曰
周人尚臭又曰蕭合黍稷臭陽達於牆屋又曰炳蕭合
羶薌又曰腍膋燔燎以報陽也祭義曰祭之日鬻刀以
剗以取腍膋又曰燔燎羶薌見以蕭光以報氣也以此
觀之周人之於宗廟非燎不祭非燎不歆何以燎於
周廟謂之膺書乎特以後人言禮皆与燔柴之祭混而
同之故遂云廟不燎也漢書郊祀志云燔燎南郊晉書
載紀云以修郊燎北史齊帝紀云柴燎告天沈約南郊
詔云升煙燎於穹昊自此以降郊有燎而廟不燎矣雖

然○大○宗○伯○早○有○實○柴○一○名○則○堯○典○岱○柴○之○遺○法○也○故○觀○
禮○祭○天○曰○燔○柴○爾○雅○祭○天○曰○燔○柴○柴○與○燎○不○相○通○矣○假○
使○宗○廟○之○燎○都○無○經○據○曆○志○所○載○殘○章○缺○句○其○來○歷○既○
明○則○遂○當○執○此○正○文○以○壓○羣○經○況○諸○文○歷○然○乎○今○日○祭○
廟○明○日○祭○天○在○人○雖○煩○在○神○非○瀆○故○出○師○之○日○類○乎○帝○
造○乎○禘○不○以○為○煩○告○功○之○日○燎○于○廟○祀○于○天○又○何○瀆○焉○
至○於○越○五○日○乙○卯○之○祀○此○乃○友○邦○豕○君○各○獻○其○功○者○不○
得○以○王○新○祭○廟○而○不○許○其○祀○六○日○之○間○三○舉○大○祭○有○何○
疑○乎○○又○按○武○成○本○是○孔○壁○之○增○多○者○非○張○霸○偽○書○已○

見前
九上已

濟河而西馬散之華山之陽而弗復乘牛散之桃林之野

而弗復服樂記曰云云車甲鉞而藏之府庫而弗復用倒

曰建橐然後天下知武王之不復用兵也

周本紀曰營周居于維邑而後去縱馬於華山之陽放

牛於桃林之虛偃于戈振兵釋旅示天下不復用也

鏞案周本紀作武成作分器封諸侯定天保之後始言

縱馬放牛則歸馬放牛不當為武成之文梅序之云往

伐歸獸為偽者所增補無疑也

錢甲云古人田賦出兵丘甸出乘王之馬牛皆取民間

今乃驅之山林此桀紂之事李璿云詩云九十其孳此公牛也駟駟牡馬此公馬

也

○平曰李說是也公馬公牛周禮有文牧人校以此

攻偽偽者不伏但歸馬無據也樂記散馬散牛周本紀

縱馬放牛呂氏春秋稅馬稅牛呂云稅馬于華留侯世

家休馬放牛張云休馬桃林之陰劉向新序縱馬休牛潘

西征賦云問休牛之張協七命息馬韜弦庾信文云馬

無故鄉何得歸之唯左太冲魏都賦云武人歸獸而去

戰歸獸者止獵也六臣註此甚明偽者誤以歸獸為用

武王之事於是作序曰歸獸改經曰歸馬此又偽跡之

彰彰者李將奈何

丁未祀于周廟改律歷志文本庚戌庚戌柴望改律歷志

文本云辛未庶邦豕君暨百工受命于周改律歷志文

國祀云乙卯乃以庶偽者知內事宜用丁日牢據少外事

宜用剛日故改庚為丁以祭周廟改辛為庚以舉柴望

自以為古禮可必合班志可必壓千歲之耳目可必欺

也雖然周之祭天本用辛日故春秋記郊者三其一用

辛丑成十其一用辛亥定十其一用辛巳哀元郊用辛

者周之禮也故郊特牲亦以郊之用辛為周人之禮召

誥丁巳之郊蓋特例也董仲舒劉向王肅之等皆以郊

用辛日為周人之恆禮雖以陳皓之晚出而亦云周之

始郊適遇辛日則周郊之必以辛夫夫之所知也律歷

志○所○云○翌○日○辛○亥○豈○非○三○代○之○遺○文○乎○周○鼎○殷○彝○本○是○
希○世○之○寶○雖○沈○水○入○塚○破○壞○殘○缺○其○片○片○蕤○光○非○牙○郎○
贗○物○所○敢○倫○比○偽○者○敢○為○是○乎○○又○按○獻○馘○于○廟○古○之○
軍○禮○也○治○戎○而○出○受○命○于○祖○歸○而○獻○功○受○命○于○祖○甘○誓○
曰○用○命○賞○于○祖○春○秋○傳○記○魯○人○之○禮○曰○歸○而○飲○至○以○數○
軍○實○隱五記○晉○人○之○禮○曰○振○旅○而○愷○獻○俘○授○馘○飲○至○大○
賞○僖廿斯○則○軍○禮○之○赫○奕○者○克○殷○之○後○諸○侯○之○獻○功○受○
賞○不○于○祖○廟○當○于○何○地○今○改○之○曰○受○命○于○周○則○太○浩○汗○
矣○

邦○甸○侯○衛○駮○奔○走○執○豆○籩○竊○禮○記○大○傳○文○○大○傳○曰○牧○

之野武王之大事也既事而退柴於上帝祈於社設奠

於牧室奠告行主於遂率天下諸侯執豆籩遂奔走追

王大王亶父王季歷文王昌不以卑臨尊也○鑄案大

傳三禮皆於牧野行之蓋以天子親征本載廟社之主

見甘誓注祈於社非祭豐邑之壇也天子適四方先柴

郊特柴者在外之禮也今梅氏之書翻倒事實改換字

句以牧為豐以奠為祀彼此混淆不可取徵其亂經為

何如者

周書數文王之德曰大國畏其力小國懷其德左傳襄三

官文子曰

云云

大王王季文王陰用伶州鳩語○周語伶州鳩曰王布

戎于牧之野韋昭云甲子昧爽所以厲六師也布令於商昭顯

文德底紂之多罪韋云商紂都也所以宣三王之德也韋云大王王季

文王反及羸內韋云地名如嬌沙讀布憲施舍於百姓謂散財所

以優柔容民也○鑄案布令於商者曉告殷民也今竊

其語以告諸侯此其所異也

惟九年大統未集從緯書○文王受命厥享國五十年

無逸何云九年受命九年之說本出讖緯家符命之論

而書大傳逸周書三統曆帝王世紀等書轉相祖述其

無理極矣即司馬遷猶不信從曾謂先聖先王之經乃

有是乎

底商之罪竊伶州鳩語

底紂之罪多

○韋昭云底致也既殺

紂入商之都發號施令以昭文王之德○鏞案底商之

罪告于殷民也豈告於天地山川哉

告于皇天后土名山大川竊司馬法彼云乃告於皇天

川冢社乃造於先王○后土者官名禮曰共工氏之子句龍為后

土祭法及左傳文與周棄之為后稷無以異也春秋以降始與

皇天並舉為說晉大夫反首以從君曰皇天后土實聞

君言僖十越王句踐封山以自誓曰皇天后土四鄉正

之見越語楚詞曰皇天淫溢而秋霖后土何時而得漑皆

俚語也降及漢氏始立后土之祠郊祀志安得西周聖人之

經乃稱皇天后土○通典引大司樂方丘奏樂之文遂

以后土之祭本諸方丘其義非也彼云地示者司地諸神與日月星風雷諸

神無以異也故川澤之示山林之示丘陵之示墳衍之

示其名不一安得与皇天上帝並尊而雙舉鄭玄以方

丘所祭為神州之神又曰地祇則主崑崙嶽已是漢代文

甚尊可知也○王制云天地之祇則主崑崙嶽已是漢代文

字至光武之世竟用王莽之禮禮

以高皇后配地示則非禮極矣

告于所過名山大川亦周禮大祝文于大會同造于廟宜

用事

○有事山川即巡守望秩之義臚列紂罪告于山

川司馬法之法也

有道曾孫周王發誤用曲禮文曲禮云天子臨祭祀內

王某畛於鬼神曰天王某甫諸侯臨祭祀○案王則

稱王侯則稱孫禮例昭然蓋以天子為天地神人之主

故得稱嗣王諸侯唯繼其先祖之業故自稱曾孫禮注然

今也王而孫之抑何故也然且外事者郊社之謂也故

曲禮別言鬼神鬼神者山川五祀之類也王制曰五嶽

視三公四瀆視諸侯謂其牲號祝號品秩之崇卑與天

子之待公侯等也天子於列國公侯之廟將亦孫之乎

其在曲禮畛于山川則明云天王而不云嗣王明云某

甫而不云稱名某甫者字也嗣與名猶不肯之況可云曾孫

乎晉平公詛齊于河神稱曾臣彪左傳襄十八年晉侯伐齊沈王二穀而禱

曰齊環怙恃其險陵虐神主曾臣彪將率諸侯秦後王

以討焉苟捷有功無作神羞唯爾有神裁之

詛楚於亞駝神猶稱嗣王蘇軾鳳翔八觀詩序錄詛楚

宣璧使其祝宗即繫布懇告于不顯大神亞駝以底楚

王熊相弋多罪者今楚王熊相庸回無道刑殺婦幽

刺親戚不喪漢制名山大川不領於天子之祝官禪見封

皇天上帝唐憲宗祭南海神稱嗣天子某韓愈所云冊望山川而

稱孫有是法乎衛太子禱其出王自稱曾孫蒯贖左傳

年衛太子禱曰曾孫蒯贖敢昭告皇祖文王烈祖康叔

文祖襄公鄭晉不能治亂使鞅討之敢告無傷以集大

事無作周公為武王禱于三王厥稱元孫王發見魯世

三祖羞周公為武王禱于三王厥稱元孫王發見魯世

膝不皆宜孫而孫之不謬稱也惟甫田詩云以御田祖

又曰曾孫來止朱子引曲禮及梅氏武成以證其義然

據舊說甫田本非祭田祖之詩儀禮大夫之祭其嘏詞

其稱曾孫無可疑者曾孫王發豈非造偽之一案乎○

又按告紂罪一段在滅商之前安得武王自稱周王史

記載文王受命稱王改正朔追王大王王季等事本出

緯書故司馬遷稱蓋以疑之史云蓋受命稱王存疑之筆也據

大傳武王既滅商為其不以卑臨尊故追王三王滅商

之前武王之未嘗王可知也武王未及尊故古公此云

周王非偽而何湯告皇天稱予小子履

暴殄天物出王制田不以禮曰暴天物

武王數紂之罪以告諸侯曰紂為天下逋逃主萃淵藪左傳

昭七年楚子為章華之宮納亾人以實之
芋尹無字曰云云

此本告諸侯之辭今以為告天地山川可乎

毛云武成原無脫誤而宋人必謂有脫誤程氏劉氏各

有改本蔡氏弓刺一考定武成入經中芋尹無字曰告

皇天即告諸侯之言無二詞也又伶州鳩曰底紂之多罪皆是告諸侯之詞一氣順叙並無參錯一字

平曰昔宋先王既疑其偽又從而考定第次亦多事矣

然偽者本自作錯亂之色竊自託於古之簡編不知其

詐者惡得無考定毛以告皇天一段並作告諸侯之詞

猶之可也此下又越篚玄黃一段忽曰惟爾有神尚克

相予則太醑酌矣毛將柰何

既獲仁人用論語

周親人不仁

○因不率俾出君奭

海隅出

率

○湯誥曰聿求元聖此云既獲仁人筆法明出一手

有收不為臣東征綏厥士女篚厥玄黃紹我周王見休惟

臣附于大邑周

孟子曰云其君子實玄黃于篚以迎其

人

趙岐曰此道武王伐紂時皆尚書逸篇之文也篚厥玄

黃謂諸侯執玄三纁二之帛願見周王望見休善也君

子小人各有所執以成其類也○鏞案梅氏之書忽增

惟其士女一句是何故也玄黃非士女之所得執也五

玉三帛之贄其秩最尊卿大夫以下猶不敢執況於尋

常士女之手乎王肅云孤執玄諸侯之適子執纁附庸

執黃

舊本堯
典注

玄黃之贄。豈可易言哉。孟子曰。君子執篋

以迎。君子小人執篋以迎。小人孟子當時自誦而自註

之八字。打開明白。痛快。趙邠卿亦以玄黃之篋謂之諸

侯之贄。此凡粗解文字者所能知也。乃偽者鹵莽忽竊

鄭風溱洧詩句。法演之為文曰。惟其士女筐厥玄黃。於

是自註之曰。東國士女盛其絲帛。奉迎道次。梅傳嗟乎

此何語也。當紂之時。有司培克民澤已竭。武王自稱為

天下除殘賊而路次停軍受此可憐之絲帛。天下其有

是乎。士庶之贄。不過雉鷩婦人之贄。不過脯栗。見曲禮敢

以非禮之物媚于天吏乎。即此一句。其為贗物又一鐵

案也

鄭玄禹貢註引胤征云篚厥玄黃昭我周王見虞書正義

郭璞爾雅註云逸書曰釗我周王釋詁云昭觀釗觀見也郭璞曰云云○

鏞案武成胤征皆入於十六篇中上丙所謂十六篇爛

脫錯亂周書之策誤入於商書之篇故鄭有此誤引也

孟子昭作紹

惟爾有神無作神羞等句襲晉平公衛太子之禱文其臚

列紂罪亦彼文法

戊午師渡孟津還用舊序上文見癸亥陳于商郊襲律歷

志志云四日癸亥俟天休命襲樂記記云遲而又久何也子曰總干山立

武王之又襲周本紀曰九年觀兵諸侯皆曰紂可伐武王

至商告於百姓曰上○鏞案樂記之云遲久者以待諸

侯之至也○樂記非待天命甲子之戰而侯天命於癸亥

之夜不已○晚乎武王不知天命發兵犯京結陣牧野而

後始待天命有是理乎○

甲子昧爽襲律歷志上○見率其旅若林會于牧野竊大

明詩會如林矢于牧野○其前徒倒戈襲周本紀紂師皆倒

開武王戰以○鏞案倒戈者倒兵也○兵即謝承後漢書有

倒戈之文○蔡邕聞卓死有歎息之聲允責邕偽者襲而

用之耳○寒凍不堪皆曰孫皓行遇大雪兵士

血流漂杵襲孟子

孟子曰吾於武成取二三策而已矣以至仁伐至不仁何其血之流杵也

又戰國策武安君与韓魏戰于伊闕有流血漂鹵之語

○一戎衣襲中庸

武王一戎衣而有天下

武王克殷反商封王子比干之墓釋箕子之囚使之行商

容而復其位

樂記云武王克殷反商未及下車而封黃帝之後於薊封帝堯之後於祝封帝舜之後於

陳下車而封夏后氏之後於杞投殷之後於宋

封王子比干之墓云云庶民弛政庶士倍祿

鄭云反當為及字之誤也及商謂至紂都也積土為封

封比干墓宗賢也行猶視也使箕子視商禮樂之官

孔疏

云商容人銘鄭不見古文故為禮樂也

○鏞案韓詩外傳云武王克殷欲

以商容為三公商容固辭

容當執羽籥馮於馬徒

史記燕王遺樂

間書曰紂之時商容不達身祇辱焉蓋賢者也雖然周
本紀留侯世家惟有表間之說今云式間何也車上一
俛不足為大政何以記之於武成也序云識政事

周本紀云命召公釋箕子之囚命畢公釋百姓之囚表

商容之閭命閔天封比干之墓雷侯世家云武王伐紂

間釋箕子之拘封比干之墓今陛下能封聖人之墓表

賢者之閭式智者之門乎發鉅橋之粟散鹿臺之錢以

賜貧窮殷事已畢偃革為軒倒置干○鏞案式智者之

門者雷侯勉高祖使之禮賢也今取此語作武王之事

可乎

命南宮括散鹿臺之財發鉅橋之粟周本紀

大賚襲論語善人是大賚○詩曰陳錫載周大賚之義也

講義見余詩經武王班賜諸侯分其寶玉散財發粟以振

貧弱文記然安得大賚至及四海此偽者之筆也樂記

曰庶士倍祿即府史庶民弛政寬其征弛政而已如欲

博施堯舜其猶病諸

列爵惟五分土惟三襲漢書地理志云周爵五○爵

五田三孟子王制其文甚備不但漢書而已

所重民食喪祭論語堯曰篇

孔安國曰重民國之本也重食民之命也重喪所以致

哀重祭所以致敬○案重民五教惟食喪祭八字詞理

不通不可讀也既竊古文何苦改之

垂拱而天下治襲易大傳黃帝堯舜垂衣

○案垂拱与

垂衣裳不同王藻云侍于君者頤雷垂拱貌之恭也秦

漢以來漸以拱手謂之垂拱史記蘇秦傳云今君高拱

而兩有之下李斯傳云陛下拱禁中風俗通云三皇垂拱無為夏侯

舜贊云垂拱臨故偽者抄詞摘句用之如此要非古文

又按周本紀牧誓之下數節似武成舊文紂死武王

以麾諸侯國商國侯畢拜武王武王乃揖諸侯侯畢從武

王至商國國商國侯百姓咸待於郊於是武王使羣臣告語

又武王既入立于社南人皆每拜稽首武王亦答拜明
水衛康叔封布茲召公奭贊采師尚父牽牲尹佚祝
曰殷大末孫季紂殄廢先王明德侮蔑神祇不祀昏暴

商邑百姓其章顯聞于天皇上帝於是武王再拜稽首
曰膺更大命革殷受天明命武王又再拜稽首乃出封
商紂子祿父此下有命管蔡釋箕子表
商容散財發粟之事結之曰作武成

旅獒 孔壁本有文無注在十六篇中

序曰西旅獻獒太保作旅獒

馬云獒作豪曾豪也鄭云獒讀如豪西戎無君名強犬有政為酋豪國人遣其酋豪來獻

見於周 ○孔疏云鄭不見古文妄為此說 ○毛云按汲冢

周書王會解渠搜以鼬犬匈奴以狢犬則外國原有貢

犬之事 ○鏞案中國亦有獒故晉靈公嗾獒踏階春秋傳

曲禮有效犬之禮左章則貢犬有據也穆天子傳鸛韓

之人獻良犬七千又云勞漢書西域傳贊鉅象猛犬食

于外囿。

昔武王克商通道於九夷百蠻使各以才賄來貢

魯語有隼集於

陳侯之庭楷矢貫之仲尼曰昔武王云於是肅慎氏貢楷矢先王欲昭其令德之致遠也以示後人使永監焉以分諸陳古者分同姓以珍玉展親也分異姓以遠方之職貢使無忘服也故分陳以肅慎氏之貢

旅○焚○一○篇○全○取○孔○子○評○楷○矢○一○段○以○作○酶○本○然○其○竄○改○

之○處○無○不○失○真○仲○尼○先○言○九○夷○者○為○肅○慎○亦○東○夷○也○今○

也○焚○自○西○戎○而○通○道○仍○不○過○夷○蠻○焚○何○以○至○矣○欲○昭○其○

令○德○之○致○遠○者○非○仲○尼○詞○拙○也○今○改○之○曰○昭○德○之○致○無○

己○太○簡○家語記此事云昭其令德之天子之於諸侯同

姓○曰○伯○父○叔○父○異○姓○曰○伯○舅○叔○舅○傳見左伯○叔○者○異○姓○之○

所同用。今專以為同姓之名。又何故也。古者五十而伯
氏。伯氏游。謂縣子曰。叔。案明堂位。宗鼎貫鼎越
棘大弓。和鍾離磬。皆魯之宗器也。又左傳。晉之籍談。十
五衛之祝鮀。年定四詳說唐叔康叔分器之事。皆所謂同
姓之展親也。

周書曰。民不易物。惟德絜物。左傳。僖五年。宮之奇曰。周書
云云。

杜云。物一而異用。孔云。民不易物者。設有二人。俱以物

鑄案。民不易物。猶言地不改闢。謂物不能自物。惟為
有德者之所薦。然後物能為物。如黍稷牲此亦論祭祀

之理於旅。蔡氏讀之為輕易。則

君子盡心。小人盡力。龍襲孟子。勞力左傳亦云。

宮之奇之言不可通。

與猶堂集卷之二十四

洌水 丁鏞 著

梅氏尚書平九

微子之命 孔壁本有序無文不入於十六篇中

序曰成王既黜殷命殺武庚命微子啓代殷後作微子之

命周本紀云管叔蔡叔與武庚作亂周公奉成王命誅武庚管叔放蔡叔以微子開代殷後國於宋作微子之命

鄭玄云黜殷命謂殺武庚也微米地名微子啓紂同母

庶兄也武王投之於宋因命之封為宋公代殷後承湯

祀周頌有祀客疏

左傳云僖六年許僖公見楚子面縛銜璧與櫬楚子問諸

逢伯對曰昔武王克殷微子啓如是武王親釋其縛受

其璧而祓之焚其櫬禮而命之使復其所宋世家云武

啓乃持其祭器造於軍門肉袒面縛左牽羊右把○樂

記云武王克殷既下車投殷之後於宋孔穎達云微子初封於宋不知

何爵此時命之

殷王元子龍左傳哀九年宋公伐鄭晉欲救鄭筮之遇

○宋世家曰微子開者帝乙之首子而紂之庶兄也呂

春秋云紂之母生微子啓與仲衍及改爲妻始生紂紂

父欲立微子啓爲太子而太史據法爭之曰有妻之子

則不可立妾○鏞案孟子明云微子以紂爲兄之子告
上則微子之必爲元子亦未可定

象賢出郊特牲彼云天子之元子士也○鏞案郊特牲

之義蓋云天下無生而貴者諸侯之子不必為諸侯而

必使之繼世者象肖子之繼賢父也鄭注亦微子之封

於宋非繼世也何謂象賢偽者誤用矣

齊聖廣淵出史克語左傳文十八年史克曰高陽氏有才

○撫民以寬除其邪虐竊國語魯語展禽云湯以寬治

云湯以寬治民而除其虐

曰篤不忘至無替朕命槩用周襄王命管仲之詞左傳

二年王曰舅氏余嘉乃勳應乃懿德○武王封微子於

宋封祿父於殷尊賢繼絕兩盡其義武王既崩誅戮再

行此聖人之不幸也。於是又使微子替奉湯祀。作是命者。不能無哀懇惻怛之意。今讀全篇。何其冷落如此。

蔡仲之命

孔壁本有序無文不入於十六篇中

序曰蔡叔既沒。王命蔡仲踐諸侯位。作蔡仲之命。

史文見下

孔穎達云。蔡叔身尚不死。明其罪輕。

若父有大罪。罪當絕滅。不得仍取蔡

名以蔡叔為始祖也

命之。以蔡其命。書云。王曰。胡無若爾考之。違王命。

左傳定四年祝

他告 義弘

祝佗曰。昔周公相成王。以尹天下。管蔡啓商。基間王室。

王於是子殺管叔。而蔡蔡叔。以車七乘。徒七十人。其子

蔡仲改行帥德周公舉之以為己卿士見諸王而命之

以蔡王命蔡世家云管叔蔡叔挾武庚以作亂周公承成

七十人蔡叔度既遷而死其子胡改行率德周公聞之

以為魯卿士魯國治於是言於成王復封於蔡以奉蔡

祀之說謬耳

○孔穎達云周公身不就封安得使胡為卿士遷

郝敬云後儒誤解金縢以我之勿辟為刑辟謂公致辟

管叔遂作為命毛云若然周公誅管蔡為偽事矣○平

曰郝以周公不誅管蔡此則誤矣金縢之云勿辟明是

勿避魯世家云周公告二公曰我之所以弗避而攝行

也見金

偽者襲彼勿辟作此致辟是取己之誤註製古

縢條

之真經斯亦可乎

梅傳云郭鄰中國之外地名

蘇軾云郭號也五家為鄰

○平曰四凶

流竄皆在禹貢九州之內何必蔡叔獨囚異域偽者見

蔡蔡叔一句謂蔡在要夷之外欲放之荒遠又恐其說

破綻於是白撰一地名以欺後人東坡以郭為號迂甚

矣○既放矣又何囚也王子放出猶有威儀貳車七乘

史記則

徒七十人然而囚之有是法乎周禮貳車之數

侯伯七乘子男五乘

大行

少儀貳車之數諸侯七乘大

夫五乘七乘之車未嘗少也偽經去徒七十偽註以七

為少皆未必然彼見大司寇園土之文私自議律曰流

言者害人也其重者宜囚圜土其輕者宜罰不齒然且
反于中國一句未免誤看遂取蔡叔囚於中國之外其
陋劣無識胡至於此中國者國中也周禮注云齊王授
孟子以中國之室必孟子來自夷蔡總皆悠悠不足
辨也

降霍叔于庶人三年不齒據鄭玄詩譜邶鄘衛譜云庶

日久乃三分其地置三監使○書傳曰武王殺紂立武

庚繼公子祿父使管叔蔡叔監祿父祿父及三監叛孔

達云使管蔡監祿父祿父不自監也言祿父及三監叛

則祿父已外更有三人為監以管蔡霍三叔為三監明
矣○漢書地理志云邶以封紂子武庚鄘管叔尹之衛

蔡叔尹之以監殷民謂之三監

孔穎達云地理志三監武庚為其一無霍叔矣

王肅服虔皆依志為說鄭不然

○孔穎達書疏云霍叔不監殷民周公

不伐霍叔蓋在京邑間管叔之語流傳其言

毛云漢志以殷管蔡

為三監則監者祿父反亦祿父矣况管叔及其羣弟若止蔡叔一人何謂羣弟

○平曰嗟乎冤

哉霍叔也畔周黨殷誣兄罔上以謀危宗國是何等大

惡任指一夫以充三數天下有是冤哉據王制曰天子

使其大夫為三監監於方伯之國國三人

又燕禮注云牧有三監

三監者官名本以三人之故名曰三監既名三監之後

不必三人也漢壺關三老董公未必是三人堯之四岳

未必是四人秦之五大夫趙嬰未必是五人奚獨殷之

三監必求三人書大傳始言管蔡二人終云祿父與三
監叛者彼以管蔡二人爲三監非有一人無名沒字隱
伏其間乃班固鄭玄必欲蔓延是獄以充三數或以武
庚當之或以霍叔補之武庚可矣霍叔何罪夫天子之
所以設三監者監侯伯也與漢之諸侯王師傳意趣略
同乃使武庚自監其躬世無此法然叛則叛矣其名不
冤若霍叔者本以文王之昭封於武王之世傳子傳孫
與國同休曾無纖毫罪惡著於史冊下逮晉獻公之時
不幸滅絕閔元忽於一千三百年之後無故被亂臣賊
子之名於鄭玄之筆頭死者有知其不飲泣自周以來

凡記流言作亂之事者止有管蔡不聞霍叔殷本紀周
本紀魯世家管蔡世家以至左傳祝鮀之言文見周語
富辰之言云二叔不咸楚語士亹之言云管蔡無一參差然
且管叔為魁故若金縢孟子但舉管叔誠使霍叔或有
罪惡可與為三何先秦西京經史百家之文遂無實驗
必賴鄭康成之詩譜始奮董狐之筆哉唯金縢周紀每
云管叔及其羣弟流言一蔡叔不足以為羣故並逮霍
叔然羣之為言眾也自三以上謂之羣字从羊獸雖增
霍叔仍不足以為羣且使霍叔同作三監並處殷地遂
無一弟在內播傳何得流言至徹王耳凡羣弟之目曹

邴毛聃理宜分受雖然周公處可疑之地羣弟有共戚
之義凡有流言其疑之者無罪其傳之者無罪惟設心
發謀造為基間之計者為首惡餘皆可赦故罪人既得
羣弟無恙乃偽者據鄭譜執霍叔竟補三監之額遂鐵
千古之案天下其有是乎○三年不齒又何罰也據大
司寇凡害人者寘之圜土獄城其能改者反于中國不
齒三年不得以年次王制凡不帥教者移之郊遂又不
變者屏之遠方終身不齒王藻以玄冠縞武為不齒之
服今霍叔三年不齒為害人律乎為犯不帥教律乎
如其與聞罪不止此苟云非情今王叔父不應僂辱如

是且諸侯王有罪免為庶人者漢法也大司寇有議親之辟文王世子論公族之刑未聞其有降庶人之法也蔡叔罪重猶有貳車從徒不失尊貴之體霍叔罪輕下同匹庶又何其不倫也

梅傳云周公圻內諸侯二卿治事○竊詳卿士之名唯王國有之詩云皇父卿士番維司徒十月詩云王命卿士南仲太祖常武春秋傳云鄭桓公為平王卿士亦見鄭風疏卿士者官名周公攝行天子事周之卿士亦周公之卿士故左傳云為己卿士注疏乃以為周公采邑之卿

不亦謬乎然且蔡世家云蔡叔既死周公始舉蔡仲以

為卿士偽者先舉蔡仲乃卒蔡叔于情于法兩不近理

侯于東土襲魯頌

閔宮詩

周書曰皇天無親惟德是輔

左傳僖五年宮之奇曰周書曰云云

民心無常惟惠之懷改論

語彼云君子懷惠小人懷刑

書曰慎始而敬終終以不困

左傳襄二十五年大叔文子曰書曰云云

詳乃視聽襲康誥

彼云高乃聽

周官

孔壁本有序無文不入於十六篇中

序曰成王既黜殷命滅淮夷還歸在豐作周官

周本紀云既黜殷命

襲淮夷歸在豐作周官

魯世家曰成王在豐天下已安周之官政未次序於是
周公作周官○鑄案康誥論刑殺之法詳悉惻怛其文
詰屈峻激立政一篇其論三宅三俊之法反覆重複忠
懇外達每讀周官其冷淡率略無一可觀周公之文斷
不如此

四征弗庭襲左傳

襄十六年大夫盟曰以討弗庭

○頭一句惟周王此

何言也夏王二字始出於湯誓商王二字始出於牧誓

周鼎未遷何云周王偽者可謂妄發

詰告殷民者或稱周王

唐虞稽古誤用堯典文○曰若稽古者猶後世之云臣
謹按此史臣追叙之詞偽註曰順考古道而行之者帝

堯則稽古二字儼為帝堯之徽號今又自作故事曰唐虞稽古不孟浪乎

夏商官倍襲明堂位有虞氏官五十夏后氏百周三百○孔疏云

禮記是後世之言不与經典合○鋪謂周官是後世之言不与禮記合○內有百揆四岳外有州牧侯伯二京而上無此陋文也然且建官惟百內職也即又承之曰州牧侯伯其粗率為何如者

記曰三公不必備唯其人文王世子云三王教世子必以禮樂立太傅少傅以養之太傅

在前少傳在後入則有保出則有師記曰虞夏商周有師保有疑丞設四輔及三公不必備唯其人語使能也

周禮朝士掌外朝之法左九棘孤卿位焉面三槐三公

位焉

典命云王之三公八命

○王制曰天子三公九卿○大戴禮

保傳篇曰昔者成王幼在襁褓之中召公為太保周公

為太傅太公為太師保保其身體傳傳其德義師導之

教順此三公之職也於是為置三少皆上大夫也曰少

保少傅少師是与太子宴者也又云天子不論先聖王

無恩於父母無禮於大臣太傅之任也天子處位不端

受業不敬太保之任也○又云天子宴瞻其學少師之

任也天子居處出入不以禮少傅之任也

周禮疏云地官師鄭志趙商問案成王周官立太師太

傅太保茲惟三公即三公之號自有師保之名成王周

官是周公攝政三年事此周禮是周公攝政六年時則

三公自名師保起之在前何也鄭答曰周公左召公右
兼師保初時然矣○鏞案鄭不見周官何知太師太保
之爲三公師氏保氏不過是中下大夫而鄭以君奭序
之周公爲師召公爲保當之注師氏鄭玄何曾夢見周官
若非賈疏有妄必是鄭志有闕不足述也○又按鄭於
周禮小宰注謂成王作周官其志有述天授位之義賈
疏乃以變理陰陽等句當之亦未允也○又按鄭於周
禮鄉老之注云三公者內与王論道中參六官之事外
與六鄉之教亦無變理陰陽等語

羅喻義云太師太傅太保太子三公也豈有人主已長

而須保者乎

毛云三公以太卿兼為之召公以太保領

師維周之臣板詩云介人惟藩太師惟垣常武詩云太師皇父整我六師微子以箕子為父師比干為少師

○武王以太公為太師並與太子無涉○平曰羅說非也

據大戴禮凡輔養太子之官非如後世東宮僚屬之別

設一府者太史書過膳宰徹膳太宰持升而御戶巾車

鳴鸞而為節皆大朝之官何必三公三少別有建立湯

之於伊尹學焉而後臣之桓公之於管仲學焉而後臣之

孟子故揚雄以孟子為萬乘之師文解朝桓譚以百里奚

為王霸之師新論張良為王者師張禹為帝者師非必

太子而後有師也周禮六官之屬凡王后太子之事一

例供給以此推之天子三公亦可以教太子但非大德
不立三公故春秋以來乃為太子別立保傅晉獻公之
子四五人各立一傳如狐突傳申生荀息傳奚齊類趙武靈王以周紹
為太子傳秦孝公以公子虔為太子傳公孫賈為太子
師在漢疏廣蕭望之等為太傅少傅則太子之官也宗
室諸侯王皆有太傅而天子三公始謂之相國左右丞
相蓋秦法也秦人尊主卑臣惟太子有師傅王者勿之
此後世之弊俗賈誼姑順時論專以三公為太子之職
安得以是議古之三公哉至後魏之時三公始有兩樣
有天子之三師有太子之三師後周隋唐以來天子曰

三公太子曰三師要非古典毛說是也雖然周官則偽書也適其所言不差耳

三公論道竊考工記彼云坐而論○燮理陰陽魏相

丙吉語魏相專以理陰陽順四時為相業○鏞案理陰陽

順四時以為三公之職自魏相丙吉始前此周勃為丞

相不能對決獄錢穀汗出沾背陳平以權辭救解之曰

宰相者上佐天子理陰陽順四時下遂萬物之宜此是

老奸調護僚相之語豈必為金石之典魏相始為郡守

頗任功能以嚴得名及其治行已著乃用丙吉之策務

自重韜晦及為丞相唯奉行故事以護已短遂倡理陰

陽順四時之說以欺人主以固祿位使趙堯舉春李舜
舉夏兒湯舉秋貢禹舉冬自以為依倣羲和丙吉為相
紹述此法務持大體不問殺人而問牛喘自以為變理
陰陽每讀漢書為之胡盧大笑曾謂周公制官首以是
為三公之職掌乎舜相堯禹相舜益稷相舜禹伊尹相
湯周召相武王絕無此說唯三載考績三考黜陟幽明
雖大臣勿之饒焉故堯謂舜曰乃言底可績禹稷自奏
功行不避嫌羞見余虞書說孰謂變理陰陽可為職業湯之
時伊尹為保衡而有七年之旱太戊之時伊陟為輔相
而有桑穀之祲何變理如此是二人者將免冠頓首引

疾謝事而去乎。後世之爲三公者，動引此義，不任功績。
百工頽惰，萬事隳壞，而方且偃蹇自重，以遮其庸陋，無
能之質，皆魏丙之所爲也。今竊此二人鄙詐欺人之術，
儼作一經，命之曰周公之法，以詔後世，其禍天下而蠹
人家國，顧將何如？偽書之害，有如是矣。師傳保者輔導
君德而已又與

後世相
職不同

司空居四民時地利，竊考工記彼首論士農工商又襲

王制又管子論居四民之法見齊語○王制但云居民

其云居四民者，考工記也。

孔疏云：周禮冬官小宰職云六曰冬官掌邦事，又云

六曰事職以富邦國以養百姓馬融云事職掌百工器

與此主土居民全不相當○鏞案偽者依據周禮以飾

六官寸寸摹擬無一差舛至於冬官如瞽失相狼狽行

徨不知小宰仍有正文乃取考工記王制之等東貸西

乞以卒其篇竟與周禮相背此又偽案之鐵堅者何以

解矣

六年五服一朝又六年王乃時巡襲周禮大行人文侯

歲一見甸服二歲一見男服三歲一見采服四歲一見衛服五歲一見要服六歲一見王之所撫諸侯者

十有一歲達瑞節同度量○鏞案此大偽也以余所見

十有二歲王巡守殷國○甸服三朝二歲男服再朝三歲采

六年侯服六朝

見歲一

甸服

三朝

二歲男服

再朝

三歲采

見

服或再或一一四歲衛服三十年有再朝之時積其差五年六

年一朝者要服而已今也既襲大行人之法而大書其

期曰六年五服一朝此何法也孔疏亦云此篇皆與周禮

數無此法也大行人則諸侯各以周公文理密察精義

入神雖走筆潦草不如是之鹿鹿惡況周官一書為萬世

立法程其一字半句不容粗略況彼大行人之文亦非

別人所作彼此矛盾豈至如此試論侯服之法在彼則

六年六朝在此則六年一朝命令耄亂民莫適從天下

有如此周公乎

孔疏引左傳叔向之語云計彼六年一會與此六年一

朝事相當也再會而盟与此十二年王乃時巡亦相當

也左傳昭十三年叔向云明王之制使諸侯歲聘以志業問朝以講禮再朝而會以示威再會而盟以顯昭

明而一杜會十二年而一朝六○鑄案叔向所論是諸侯相

朝之法此篇所定乃諸侯朝王之法安得遠引彼真曲

證此偽梅氏之傳明以侯甸男采衛為五服蓋其作經

之時本據大行人而為之故自經自註毫不舛錯仲達

欲於大行人之外別求周制以救贗經豈可得哉

毛氏中庸說曰前儒誤解大行人職以侯服歲一見為

每歲一朝甸服二歲一見為每二歲一朝男服三歲一

見為每三歲一朝則六年之間侯服六朝甸服三朝男

服亦兩朝非五服一朝矣不知此卽倣唐虞之禮六年

五服只一朝而以遠近爲先後侯服歲一見者此歲字

卽六年之第一年其二歲三歲卽六年之第二年第三

年也故一年侯朝二年甸朝三年男朝四年采朝五年

衛朝此之謂五服一朝五服止五年而此曰六年者以五服之外又有要荒鎮蕃四服

在朝數之外荒鎮無定數惟蕃國有一世一朝之文此周禮與周官相合者也○

樓象明曰大行人後文有王問諸侯禮亦曰歲徧存三

歲徧覲五歲徧省以至於七歲九歲十有一歲而後止

亦歲是第一年三歲五歲是第三年第五年並非每歲

每三歲五歲也此鄭氏自註也經文前後相接彼此同

文而前註如彼後註又如此此尚能註經者乎○鏞案
字有字例句有句例他書皆然經尤嚴矣毛氏既以世
壹見亦大行人文爲一世一朝不以歲壹見爲一歲一朝心
其公乎日三朝者每日三朝也見禮月一祭者每月一
祭也後漢書歲三田者每歲三田也制見王自古及今文例
皆然毛氏手執贖物忍不能捨每遇破綻輒費唇舌吾
慾所發指白爲黑皆是此類不亦難乎然鄭氏大行人
之註本自模糊於上節既無每歲一見之說於下節雖
以歲徧存爲巡守之明歲其言仍不明白樓氏何以謂
之前註如彼後註如此異哉周公之法也巡守之後五

六年歲受諸侯之朝連年不絕忽自第七年以後莫往
莫來寂寂寥寥至於十二年之後始乃巡守前數後疎
何若是之甚也異哉周公之法也巡守之厥明年遣使
存之三年覲之五年省之忽自六七年以後不問存沒
不圖撫綏必待十二年之後始更相厚此果何義鄭爲
是問七歲九歲皆補徧省之文則經之所缺豈註之所
能補哉今詳大行人之文蓋其巡守之年六服朝見之
禮六條存撫之法王撫諸侯所以都不舉論皆在巡守之中
自其明年六服朝見如法前已見而王之所以撫諸侯者
每歲一存三歲一覲五歲一省七歲一協屬象胥諭言

九歲一聽屬瞽史諭書十一歲一脩達瑞節同度量成

則十二歲一巡六服朝見之期若值巡守之年則仍於

方岳朝見不朝于京師六條存撫之期若值巡守之年

則仍於方岳按行不至於諸國此其大經大法均齊方

正不可移易者而鄭注上下都不分明使毛氏得以乘

釁豈不惜哉同度量同數器本是巡守之禮今必遣使

而行之者降及周世輿地益廣儀文益縟巡守雖有定

期或行或停不似虞舜之時故制法如是也故職方氏

曰王殷國亦如之鄭注云殷猶衆也十二歲王若不巡

則六服盡朝斯可驗也梅氏本偽誰能真之

學古入官襲子產語

左傳襄三十一年子產云我聞議

事以制竊叔向語

左傳昭六年子產鑄刑書叔向譏之曰昔先王議事以制不為刑辟無

以利口亂厥官襲論語

惡利口之覆邦家者不學牆面亦襲論語

人而不為周南召南其猶正牆面而立

無載爾偽竊逸詩

左傳襄三十年引逸詩曰淑慎爾止無載爾偽

書曰居安思危

左傳襄十一年魏絳引書曰居安思危思

君陳孔壁本有序無文不入於十六篇中

序曰周公既沒命君陳分正東郊成周作君陳

史記無

東郊者新邑之東郊也新邑有二一曰王城王城者邾

鄆也及周之末謂之西周

昭廿二年王子猛入漢志謂于王城自號曰西周

之河南即武王遷鼎召公營宅平王東遷之地也二曰

下都下都者成周也及周之末謂之東周宣十六年公

諸也東漢志謂之洛陽即周公營邑以遷殷頑之地也洛

誥初卜瀍水西者王城也次卜瀍水東者下都也其相

距十有八里史漸以其在王城之東故謂之東郊也周

公沒於豐邑據史成王時在新邑居王元聖既沒國勢

孤虛殷頑易動故始命君陳分正東郊分正也者明始

分也前此密近王都不列命官也○或曰郊邑名春秋昭

二十三年晉人圍郊杜云郊公羊傳云郊者何天子之

邑也何休云天左傳云癸卯郊鄩潰又昭二十六年左

子之問田氏云冬十月丙申

王起師辛前此王子朝率郊要餞之甲杜云以逐劉子

昭二十二年郊者邑名以其在王城之東故謂之東郊

鄭云君陳蓋周公子伯禽弟也坊記天子之國五十

里為近郊今河南洛陽相去則然見聘禮疏○孔疏云

周公遷殷頑民於下都親自監之周公既沒命君陳代

之○鑄案周召二公其太子侯于魯燕其次子留輔天

子為圻內諸侯周公閱召伯虎皆其後也故鄭疑君陳

為周公之子陳氏但據偽經謂君又按周公末年無

居洛監殷之事據魯世家周公在豐病將沒曰必葬我

成周以明吾不敢離成王此乃亳姑之序也以此觀之

周公末年成王在洛成周者周公在豐遂沒於豐孔乃

云周公沒於下都而君陳代之不亦謬乎雖營邑遷頑

周公始事至於親自監殷絕無據也蔡傳引吳氏說謂

薨尤無所據

書曰孝乎惟孝友于兄弟施於有政論語子曰云云是亦

或曰今無孝乎字何也毛云包咸何晏以孝乎惟孝作

陶潛孝傳贊無不曰孝乎惟孝唐王利貞幽州石浮圖

頌宋張齊賢曾子贊亦曰孝乎惟孝此宣古文尚書猶

未之見而○平曰引書者或落一二字固時有之而孔

子引書忽增二字孝乎本屬怪事潘岳夏侯湛陶潛之

等但讀論語不讀尚書尤是怪事且堯命舜不言孝友

君陳雖孝王若曰惟爾令惠孝恭惟孝友于兄弟偽也
古者君臣不相調媚

周書曰黍稷非馨明德惟馨左傳僖五年宮之奇曰云云

梅傳云政治之至者芬芳○鏞謂宮之奇之言是論祭祀之理黍稷二句於保釐東郊何干

君陳曰未見聖若已弗克見既見聖亦不克由聖緇衣

鄭云克能也由用也梅云己見聖道而不能用之○鏞案由者從也

行也迪也鄭訓爲用未必中理梅何竊之然且見聖者見聖人也豈見聖道之謂哉

爾惟風下民惟草襲論語君子之德風也小人之德草也○君陳非發

發之風下民非萋萋之草必如論語之爲然後詞活意
毫洪範云卿士惟月庶民惟星彼蒙上文王省惟歲不
与此同

君陳曰出入自爾師虞庶言同

緇衣

鄭云自由也師庶皆衆也虞度也言出內政教當由女
衆之所謀度衆言同乃行之政教當一也梅云衆言同
禁其○鑄案庶言同者衆論如一也謂政教出入以衆
專其○人之心度之則一詞和同無參差也鄭云衆言同乃行
之如鄭所云語尚未了偽者見鄭註疑有脫字乃演其
文曰同則釋

或曰同則釋是增出二字

毛云天下無庶言同而可斷句者非此增出實彼短少耳

○平曰臯陶曰朕言惠易曰天地睽而其事同何云庶言同不可斷句演出二字崇在鄭註故彼云同乃行之

君陳曰爾有嘉謀嘉猷入告爾后于內女乃順之于外曰

此謀此猷惟我后之德於是乎惟良顯哉

坊記子云善則稱君過則稱己

民作忠君陳曰云云

鄭云嘉善也猷道也○葛真云成王殆失言矣○鏞謂

此篇非成王所自作詞臣代撰容有是語不必譏也

梅傳云汝為政當闡周公之大猷○依勢作威倚法以削者漢二千石豪橫不法之類也方以是戒之而望之

以弘闡周公豈不迂誕此偽書也

書有之曰必有忍也若能有濟周語富辰諫曰云云王不忍小忿以棄鄭

畢命孔壁本有序無文不入於十六篇中

序曰康王命作冊畢分居里成周郊作畢命周本紀云作策畢公餘同

此序疑有脫字不但公一字而已郊上疑有東字

畢命豐刑曰惟十有二年六月庚午肅王命作策豐刑漢書

律歷志康王十二年

孟康云豐刑逸書○孔穎達云漢初不得此篇有偽作

其書以代之者偽者傳聞舊語得其年月不得以下之

辭妄言作豐刑耳亦不知豐刑之言何所道也鄭玄云

今其逸篇有冊命霍侯之事不与此序相應非也鄭玄
所見又似異於豐刑皆妄作也○鏞案畢命一篇其在
孔壁不入於十六篇中一上丁然帝誥殘章伏生尚誦數
句上丙所謂畢命豐刑亦安知無數句之流傳為劉歆
所採用乎律歷志者劉歆三統曆也見武劉歆父子考
校今文古文諛貫無比比未可輕議但鄭玄所見別是
一本杜林漆書本無畢命不入於十所謂逸篇鄭亦不
信故其言如彼執序以乃偽者執律歷志竊其年月日
又竊豐字謂王自周至豐有若命之在豐而謂之豐刑
者然何其詐矣

既歷三紀四方無虞襲周本紀彼云成康之際天下安
○三紀非古文也洪範有五紀左傳曰天以七紀素問
曰天有八紀皆日月星辰之類也若汲冢周書又以四
時三光之等為九紀鄭語史伯之言以六府三事為九
紀張衡之賦以日月為二紀察二紀五班固之賦以十
帝為十紀皇十紀緯書以二十七萬六千年為一紀史
記天官書以一千五百年為一紀十二年之為一紀在
古無文蓋古者甲子惟以紀日不以紀年自無一紀之
說自漢太初曆以來始用甲子以號其年此時猶用以
十二支分排十二律自此以降漸以十二年為一紀故

魏志管寧傳云久荷渥澤積祀一紀南史王弘之傳云拂衣歸耕踰歷三紀北史韋世康傳云驅馳不已四紀于茲安得周康王之時已有三紀之說梅傳云十紀又偽家之鐵案也

垂拱仰成竊後漢書

清河孝王傳云仰恃明主垂拱受成

○垂拱之文不

惟是也已見武成

旌別淑慝表厥宅里竊六韜盈虛篇文

太公曰旌別淑慝表其門閭

○書序之云分居里或是管子分居四民之意

見齊語

今

乃以六韜旌別之法要應序文不亦詐乎六韜表其門閭而此章表厥宅里者以書序無門閭說也不亦陋乎

彰善癉惡竊緇衣文

彼云章善癉惡以示民厚

樹之風聲竊左傳

文六

年君子曰古之王者樹之風聲分之米物

商俗靡靡利口惟賢餘風未殄龍襲張釋之語

見蔡傳

不率訓典殊厥井疆襲王制

不帥教者右移之左左移之右又移之郊移之遂

○申畫郊圻應序文

序云成周郊梅云成定東周郊竟

○序文必有脫

字今乃作申畫郊圻一句以應之豈不陋乎王城下都

之間灋水割畧此天成之規畫也又何申焉

收放心竊孟子

學問之道求其放心而已矣

○周康王預知孟子設

雞犬收放之喻有是理乎○此篇不引古文偽者自作

故句句卑淺字字蠢俗以之為兩漢詔命亦莫之信矣

君牙 孔壁本有序無文不入於十六篇中

序曰穆王命君牙為周大司徒作君牙 史記無

厥有成績紀于大常襲周禮司勳文 凡有功者銘書於王之太常 ○

若蹈虎尾襲易詞 履虎尾

股肱心膂竊太子晉語 周語太子晉曰四岳為股肱心膂

君雅曰夏日暑雨小民惟曰怨 句 資冬祈寒小民亦惟曰

怨 緇衣

鄭云雅書序作牙假借字也資當為至 齊魯之語聲之誤也 祈之

言是也 齊西偏之語也 小民怨天言民恆多怨為其君難 ○ 偽

者。演而承之。曰厥惟艱哉。蓋見鄭玄為君難之註也。如云不然。鄭玄不見梅書。何以知民怨之下。即有艱哉之戒。

書曰丕顯哉文王謨。丕承哉武王烈。佑啓我後人。咸以正無缺。孟子滕文公篇

趙岐云。書尚書逸篇也。謂成康皆行正道。無虧缺也。梅皆以正道此周公輔相以撥亂之功也。○梅傳微襲趙無邪缺。

註

蔡沈云。先正君牙。祖父也。○平曰。君牙。祖父姓名。謂何偽者。恍矣。詩云德音孔昭。示民不恍。

冏命 孔壁本有文無注在十六篇中

序曰穆王命伯冏為周太僕正作冏命 周本紀云穆王閔伯冏申誠太僕國之政作冏命復寧

梅傳云太僕長 孔云正長也 太御中大夫 孔云若此是周禮太

矣何須云正乎且此經云命汝作太僕正于羣僕案周

禮大馭下有戎僕齊僕道僕田僕大馭最為長既稱正

于羣僕故以為大御且與君同車最為親近故春秋

隨侯寵少師以為車右漢書文帝愛趙同命之為御凡

御者最為密昵故此經云汝 ○鏞案史註錄應劭之說

亦與梅同 劭云太僕周穆王所置蓋自東京以來相

傳如此 今按周禮太僕下大夫二人馭中大夫二人

其品秩雖如此 考其職掌則大僕掌正王之服位 正其

正其出入王之大命如虞之掌諸侯之復逆鄭云奏建

路鼓以待窮者鄭云冤尚有祭祀賓客喪紀軍旅燕飲

朝會諸所掌不可枚舉其率屬曰小臣祭僕御僕之等

其職掌亦皆不輕名雖太僕非馭車馭馬之人其為任

至要至重若大馭則掌馭王路犯軼受轡祭軌執轡鸞

和為節而已然且戎僕齊僕道僕田僕之等雖皆名僕

各自為職或掌戎路或掌金路或掌象路或掌田路不

為大馭之率屬不受大馭之節制戎僕亦中孰云大馭

能正羣僕且仲達引隨侯漢文之事謂大馭與君同車

則大馭為職東芻為神礫大祭道其事最淺並無與君

同車之事惟齊右道右乘則持馬行則陪乘戎車則戎

此真隨侯之車右漢代之參乘鄭注云陪孰云大馭與

君同車夫制絲綸以授官體貌尊重掌馬典車者何以

得此惟太僕之臣正王之服位司王之大命聰明是達

喉舌是通賢良居之則可以導揚和氣奸邪居之則足

以雍蔽天聽品秩雖卑係國家安危存亡故穆王當時

哀文武之道缺閔王猷之衰微紀周本申誠太僕以謹天

子之命以達諸侯之志而王國復寧此豈掌一車司一

馬者所能得哉特以先儒之註書序者誤以大馭當之

而鄭註周禮亦以大馭為馭之最尊鄭既以大馭為家

序亦必偽者。漢信不疑其作經文。惟以正羣僕簡同僚。
數語草草提綴而出。納惟允導達。冤枉無一字偶及古。
之。問命斷不如此。彼見大僕之官不似宮正。酒正之直。
以正稱。列求大僕之長。不亦謬乎。若然大司樂不得為。
樂正。大小不得為卜正。左傳滕侯曰我周也。有是理乎。祭。
僕御僕皆大僕之率屬。故府史胥徒二十八人同隸大。
僕。大僕非羣僕之長乎。若大馭則不過為諸僕之同列。
請再詳之。

朝夕出入起居發號施令竊周禮道僕文。道僕掌馭象
出入掌貳○平曰鄭玄迂僻將以道僕行先王之道。鄭
車之政令

云○道○僕○朝○朝○莫○夕○以○偽○者○見○鄭○註○遂○謂○道○僕○職○任○尊○重○
時○諸○臣○行○先○王○之○道○
偏○竊○道○僕○之○文○以○作○此○經○毛○所○謂○陋○腹○陋○胃○有○甚○於○是○
乎○出○入○政○令○等○句○在○六○官○諸○職○恆○有○之○
僕○已○哉○偽○者○不○讀○周○禮○
今不能奚但道

格○其○非○心○竊○孟○子○
大人能格君心之非○必○言○心○之○非○乃○加○格○字○
其○詞○方○活○今○竊○而○用○之○曰○格○其○非○心○則○詞○死○矣○非○心○何○
心○

蔡○傳○云○羣○僕○謂○祭○僕○隸○僕○戎○僕○齊○僕○之○類○
舉○四○僕○之○中○惟○祭○僕○為○大○僕○之○屬○隸○僕○別○一○卑○官○掌○糞○
掃○之○事○戎○僕○齊○僕○馭○車○之○官○皆○與○大○僕○無○涉○蔡○說○粗○矣○

蔡以太僕
為太僕正

慎簡乃僚竊漢魏郡國法

正義云府史以下官長所自辟除命士以上皆應人主自

選人主所用皆由臣下銓擬

○鑪謂周禮天官冢宰施法于官府建

其正立其貳陳其殷置其輔

殷衆也蓋自虞之百揆銓注

之權不出多門唯漢代郡國其佐吏長史之等許其自

辟偽者遂令大僕之正自舉其屬周禮有是法乎古者

舉士本自司徒進之司馬

見王制以聽冢宰調用安有犯

軼之官乃敢自簡其僚陸贄欲使諸司長官自舉其屬

其意雖善周法無是也

其意與善固無異也

婦人百八種百爾其然對境於情同是官自舉其

奉士本自良矣久之臣愚則王以舉不率隨民安亦

幸也昔者今天對少王目舉其國而對亦其古昔

不也受門而其外應國其卦夷是夷又善得其自

其王立其順刺其翅置其神也茲自靈天百發金

人至而此皆○靈附國豐天有得平武志千言請

其言八者蓋其神機固志王善正而文也千言其

大對王侯侯侯車之官皆与夫僕也步於



